

186.

Der Rektor der Universität theilt Kurfürst Ernst und Herzog Albrecht mit, daß in Folge der neuen Kleiderordnung Tumulte und Zwistigkeiten unter den Universitätsmitgliedern ausgebrochen seien und bittet sie um ihren Rath und Beistand.

Leipzig, 1482 Aug. 8.

Hdschr.: Or. Pap. Hauptstaatsarchiv Dresden Leipziger Händel 1218—1505 loc. 10531 fol. 64 mit aufgedr. 5 Siegel, welches jedoch abgefallen ist.

Ann.: Vergl. hierzu Matth. Döring ap. Mencke, Script. Rer. Germ. III, 37. — Peifer, Memorabilia Lipsiensia 315.

Mein untertenige vleyssige dinst unnd inniges gebette zuvoran. Irlauchte, hochgebornne furstenn, gnedige herren. Nach dem unnd der hocwirdige in got vatter | unnd herre bischoff czu Myssenn uß befelhe ewer furstlichen gnadenn mir unnd ewer 10 gnadenn hoen schuel etzliche artikel unnd gebrechenn furgelaltenn unnd erzalt | hatt, darpey zu erkennenn gegeben ewer f. g. maynung unnd begere, sie soliche mit andernn als der universitett am nützlichstenn unnd bequemstenn seyn wurde | abzulegenn unnd reformirenn, als das seyn gnade in merernn worttenn uß hoer vernunft wyslich uffurtt, wie dem ist die universitett von ir selbs lang vor gantz dartzu genaigt gewest unnd 15 noch hatt solichs in nest vergangen dreien iarenn oft angefangenn unnd alwege aynrechtlich durch alle nationen beschlossen, hatß aber nye vermuget darpei tzu behaldenn, unnd itzt zumm letztimm so ewer f. g. durch alle ire lanndt eyenn loblich reformationn in claydung unnd andernn vil stückenn gemacht hatt, ist dardurch die universitett mehr bewegett wordenn danne vor ye, alle gebrechenn aynn noch dem andernn tzu reformirenn, 20 unnd hatt mir darüber hertlich unnd pei meynn ayde unnd hoer danne ye kaynne andernn rector geschehen ist alle gesworne statutt hantezuhaben eyngepunden, unnd das ichß kunlicher unnd unerschrocklicher thun möcht, sich erpötenn unnd verpflichtet gemaynlich unnd sunderlich gwysenn vestenn steten peistanndt in allen ha . . . verlikayten derhalbenn erwachsenn czu thun. Demnoch getzwungen durch meyn ayd 25 ließ ich tzum erstenn eyn solich gepott ader warnung usgeen, das hinfür kayn . . .^{a)} anders denne eym studentenn gepurdt noch sunst in untzuchtiger ungepurlicher claydung geen solt, nemlich in keym hutte ader klaynn czerschnyten czottig . . .^{b)} nackaten helsen, mit geschnürten ader weytt offen goller mitt zuschnytten unnd allerley untzymlichen prustlatzen, mit gefalden prusthemdern in . . . enn ader gehalbirten ader 30 sunst seltzamen schügen, noch sunst in aynigerlay ungepürlicherr klaydung, sunder in erlichen langen studenten mentellnn. Wer aber yn . . . der solichs nicht zu czeugen vermöcht, sol der selbige nicht so unverschempt als pyßher geschehen ist mit ungegörtenn uffgewetenn röcke unnd unverdackter schand [vor] frauenn unnd iunckfrauenn zu kirchen unnd strossen geen, sünder ouch das sie hynfur nicht meher unter ungegurten 35 rocken swert, messer, degen ader andre were zu zwitracht, schaden, verlikaytt unnd iüffrurr dienend verpergenn mügen unnd ander ursach halben nach inhalt deß altherkomen gesworen statut sich gurten sullen unnd ouch andernn gesworen statuten ih vier wochen